



Innkalling av Utval for næringutvikling og drift

Møtedato: 01.06.2022
Møtestad: Kommunehuset, Frekhaug
Møtetid: 11:00 - 17:00

Eventuelle forfall må meldast til <https://www.alver.kommune.no/innhald/politikk-og-hoyringar/politikk/melde-forfall-til-politiske-mote/>

Varamedlemmer møter berre etter nærare avtale.

Kl. 11.00: Synfaring næring- og industriområde. Frammøte v/kommunehuset Frekhaug.

Kl. 13.00: Styringsgruppemøte næringsplan

Kl. 14.30: Møtestart ordinær sakshandsaming

Sakliste

Saknr	Tittel
023/22	Godkjenning av innkalling og sakliste
024/22	Godkjenning av møteprotokoll
025/22	Tildeling frå næringsfond 2022
026/22	Meldingar til utval for næringsutvikling og drift

25. mai 2022

Stian Lavik
møteleiar

Arthur Kleiveland
møtesekretær

Arkiv: <arkivID><jplD> FE-033
JournalpostID:
Sakshandsamar:
Dato: 25.05.2022

Saksframlegg

Saksnr.	Utval	Møtedato
023/22	Utval for næringutvikling og drift	01.06.2022

Godkjenning av innkalling og saksliste

Innkalling og saksliste vert godkjent.

Arkiv: <arkivID><jplD> FE-033
JournalpostID:
Sakshandsamar:
Dato: 16.05.2022

Saksframlegg

Saksnr.	Utval	Møtedato
024/22	Utval for næringutvikling og drift	01.06.2022

Godkjenning av møteprotokoll

Møteprotokollen vert godkjent.

Vedlegg i saka:

05.05.2022 Protokoll - Utval for næringutvikling og drift - 04.05.2022 1734677



Møteprotokoll for Utval for næringutvikling og drift

Møtedato: 04.05.2022
Møtestad: Kommunehuset, Frekhaug
Møtetid: 13:00 - 15:20

Før møtet i utvalet hadde utvalet møte som styringsgruppe for strategisk næringsplan 9.00-13.00.

Frammøtte medlemmer	Parti	Rolle
Stian Lavik	KRF	Utvalsleiar
Mabel Johansen	H	Nestleiar
Liv Hopland van der Kooij	SP	Medlem
Tormod Skurtveit	AP	Medlem
Yngve Walaker	UAVH	Medlem
Anita Bakken	MDG	Medlem

Forfall meldt frå medlem:	Parti	Rolle
Øyvind Bratshaug	H	Medlem

Frammøtte varamedlemmer:	Parti	Erstatter medlem
Nina Stabell Øvreås	FRP	Øyvind Bratshaug-H

Følgjande frå administrasjonen møtte:

Hogne Haugsdal-kommunalsjef Samfunnsutvikling, Kristin Nåmdal-tenesteleiar Plan og analyse, Arne Eikefet-rådgjevar Samfunnsutvikling, Tove Hagenes-hovudprosjektleiar Samfunnsutvikling, Sondre Haugen Sognnes-rådgjevar Plan og analyse, Arthur Kleiveland-møtesekretær

- Kjetil Spurkeland-tenesteleiar Drift og vedlikehald og Rune Eikeland i GC Labs orienterte i sak 021/22 «Sluttrapport Innovasjonsprosjekt – bruk av drone i eigedomsforvaltninga»

- Øyvind H. Oddekallv-varaordførar orienterte i sak 020/22 «Høyring – politisk styringsstruktur og reglement».

- Baste Tveito-dagleg leiar Nordhordland næringslag orienterte om situasjonen i næringslivet knytt til straumprisar og drivstoffprisar.

Sakliste

Saknr	Tittel
018/22	Godkjenning av innkalling og sakliste
019/22	Godkjenning av møteprotokoll 23.03.2022
020/22	Høyring - politisk styringsstruktur og reglement for Alver kommune
021/22	Sluttrapport Innovasjonsprosjekt - bruk av drone i eideomsforvaltninga
022/22	Meldingar til utval for næringsutvikling og drift 04.05.2022

018/22: Godkjenning av innkalling og saksliste

Innkalling og saksliste vert godkjent.

Utval for næringutvikling og drift 04.05.2022:

Behandling:

Utvalet godkjende innkalling og saksliste.

ND- 018/22 Vedtak:

Innkalling og saksliste vert godkjent.

019/22: Godkjenning av møteprotokoll 23.03.2022

Møteprotokollen vert godkjent.

Utval for næringutvikling og drift 04.05.2022:

Behandling:

Utvalet godkjende samrøystes møteprotokoll for 23.03.2022.

ND- 019/22 Vedtak:

Møteprotokollen vert godkjent.

020/22: Høring - politisk styringsstruktur og reglement for Alver kommune

Kommunedirektøren legg fram saka utan framlegg til vedtak

Råd for menneske med nedsett funksjonsevne 02.05.2022:

Behandling:

Orientering til saka v/Øyvind Oddekalv-varaordførar
Sølvi Knutsen-Sp sa seg ugild og ho deltok difor ikkje i handsaminga av denne saka.

Ingen merknader, samrøystes.

RMNF- 019/22 Vedtak:

Ingen merknader.

Eldreråd 02.05.2022:

Behandling:

Kirsti Gjetle Floen (A) fekk permisjon i denne saka, og det deltok 8 av 9 medlemmar i handsaminga.

Øyvind H. Oddekallv-varaordførar, som har vore leiar for ei politisk arbeidsgruppe som har utarbeidd framlegg til politisk styringsstruktur og reglement, orienterte i saka.

Det vart i møtet sett fram følgjande fellesframlegg til uttale:

Eldrerådet vil i denne omgang halda på dagens politiske struktur for utval og råd, og med 47 medlemmar i kommunestyret.

Rådet meiner den første perioden i Alver kommune har vore a-typisk på grunn av pandemien, og ikkje gjev godt nok grunnlag til å kunne evaluera den politiske strukturen. Den nye kommunen er framleis under bygging, og rådet meiner styringsstrukturen først kan evaluerast i slutten av neste 4-årsperiode.

Eldrerådet fryktar også at det er altfor omfattande å slå saman store og viktig sektorar som helse og omsorg, og kultur og oppvekst til eit levekårsutval.

Rådet sluttar seg til arbeidsgruppa sitt framlegg om møtestart for politiske møte kl. 9.00.

Under avrøystinga vart fellesframlegget vedteke med 7 røyster mot 1.

Mabel Johansen (H) slutta seg til innstillinga frå fleirtalsgrupperinga i arbeidsgruppa, med 35 medlemmar i kommunestyret og tre utval medrekna formannskapet.

ER- 017/22 Vedtak:

Eldrerådet har følgjande uttale til *Høyring - politisk styringsstruktur og reglement for Alver kommune*:

Eldrerådet vil i denne omgang halda på dagens politiske struktur for utval og råd, og med 47 medlemmar i kommunestyret.

Rådet meiner den første perioden i Alver kommune har vore a-typisk på grunn av pandemien, og ikkje gjev godt nok grunnlag til å kunne evaluera den politiske strukturen. Den nye kommunen er framleis under bygging, og rådet meiner styringsstrukturen først kan evaluerast i slutten av neste 4-årsperiode.

Eldrerådet fryktar også at det er altfor omfattande å slå saman store og viktig sektorar som helse og omsorg, og kultur og oppvekst til eit levekårsutval.

Rådet sluttar seg til arbeidsgruppa sitt framlegg om møtestart for politiske møte kl. 9.00.

Ungdomsråd 02.05.2022:

Behandling:

Ungdomsrådet har sett gjennom framlegget, og har ingen merknader til det.

UR- 016/22 Vedtak:

Ingen merknader

Utval for helse og omsorg 03.05.2022:

Behandling:

Sølvi Knudsen-SP ba utvalet vurdere om ho er inhabil til å handsama saka, ettersom ho har vore med i arbeidsgruppa for "Politisk styringsstruktur og reglement". Utvalet konkluderte med at Knudsen ikkje er inhabil, og ho deltok i handsaminga av saka.

Øyvind H. Oddekallv-varaordførar, som har vore leiar i arbeidsgruppa, orienterte om gruppa sitt arbeid og innstilling.

May-Irene Wergeland-SP sette på vegne av Raudt, SP og Uavhengig fram følgjande framlegg til uttale:

HO-utvalet sluttar seg ikkje til samanslåing av utvala OKK og HO slik det her er foreslått. Vi meiner utvala har ansvar for store og viktige tenesteområder det er vesentleg å prioritere god folkevald styring over. Vi opplever at HO-utvalet har fungert godt og har hatt grundige drøftingar vi trur har kome kommunen sin helse- og omsorgssektor til gode. Vi meiner difor det er best å halde fram med eit eige helse- og omsorgsutval.

Utvalsleiar Ståle Hauge-AP sette på vegne av KRF og AP fram følgjande framlegg til uttale: *HO-utvalet tilsluttar seg framlegget i høyringa på politikk-området for eit framtidig Levekårsutval.*

Dei to framlegga vart sett opp mot kvarandre.

Felles framlegg frå SP/Raudt/Uavhengig fekk fire røyster (M-I. Wergeland-SP, Sølvi Knudsen-SP, Torill Mongstad-Raudt, Roy Bø-UAVH) - og fekk fleirtal.

Ståle Hauge-AP sette fram følgjande felles tilleggsframlegg:

Om utvalsstrukturen blir som dagens struktur meiner HO-utvalet subsidært at følgjande områder må ligge under HO-utvalet sitt politikkområde:

Helsestasjon/Jordmorteneste.

Utvalet ser det som naturleg at tenester som skal arbeida ut frå helserelatert politikk og helsefagleg kompetanse er i eitt politisk utval.

Hauge sitt felles tilleggsframlegg fekk 7 røyster og var samrøystes.

HO- 019/22 Vedtak:

Utval for helse og omsorg kjem med følgjande uttale til "Høyring - politisk styringsstruktur og reglement":

HO-utvalet sluttar seg ikkje til samanslåing av utvala OKK og HO slik det her er foreslått. Vi meiner utvala har ansvar for store og viktige tenesteområder det er vesentleg å prioritere god folkevald styring over. Vi opplever at HO-utvalet har fungert godt og har hatt grundige drøftingar vi trur har kome kommunen sin helse- og omsorgssektor til gode. Vi meiner difor det er best å halde fram med eit eige helse- og omsorgsutval.

Om utvalsstrukturen blir som dagens struktur meiner HO-utvalet subsidært at følgjande områder må ligge under HO-utvalet sitt politikkområde:

Helsestasjon/Jordmorteneste.

Utvalet ser det som naturleg at tenester som skal arbeida ut frå helserelatert politikk og helsefagleg kompetanse er i eitt politisk utval.

Utval for næringsutvikling og drift 04.05.2022:

Behandling:

Øyvind H. Oddekallv-varaordfører, som har vore leiar i arbeidsgruppa, orienterte om gruppa sitt arbeid og innstilling.

Utvalsleiar Stian Lavik-KRF sette fram følgjande framlegg til uttale:

Høyring – politisk styringsstruktur og reglement for Alver kommune vert teke til orientering.

Framlegg til uttale vart samrøystes vedteke.

ND- 020/22 Vedtak:

Utval for næringsutvikling og drift kjem med følgjande uttale:

Høyring – politisk styringsstruktur og reglement for Alver kommune vert teke til orientering.

021/22: Sluttrapport Innovasjonsprosjekt - bruk av drone i eigeomsforvaltninga

Kommunedirektøren sitt framlegg til vedtak:

Utval for næringsutvikling og drift tek saka til orientering. Innovasjonsprosjektet er med dette fullført.

Utval for næringsutvikling og drift 04.05.2022:

Behandling:

Kjetil Spurkeland-tenesteleiar Drift og vedlikehald og Rune Eikeland i GC Labs orienterte i saka.

Utvalsleiar Stian Lavik-KRF sette fram følgjande framlegg til vedtak:

Utval for næringsutvikling og drift takkar for orienteringa og ein god sluttrapport frå prosjektet og slår med dette fast at prosjektet har vore vellukka. Teknologi og metodikk som er nytta og utvikla gjennom prosjektet gjev mange fordelar som ein vil oppfordra kommunen til å dra nytte av også framover.

Utvalet vil vidare takka partane i prosjektet for godt samarbeid, og innovasjonsprosjektet er no å rekna som fullført.

S. Lavik sitt framlegg vart sett opp mot kommunedirektøren sitt framlegg til vedtak.

Kommunedirektøren sitt framlegg fekk 0 røyster og fall.

Lavik sitt framlegg fekk 7 røyster og vart samrøystes vedteke.

ND- 021/22 Vedtak:

Utval for næringsutvikling og drift takkar for orienteringa og ein god sluttrapport frå prosjektet og slår med dette fast at prosjektet har vore vellukka. Teknologi og metodikk som er nytta og utvikla gjennom prosjektet gjev mange fordelar som ein vil oppfordra kommunen til å dra nytte av også framover.

Utvalet vil vidare takka partane i prosjektet for godt samarbeid, og innovasjonsprosjektet er no å rekna som fullført.

022/22: Meldingar til utval for næringsutvikling og drift 04.05.2022

Kommunedirektøren sitt framlegg til vedtak:

Meldingar vert tatt til orientering.

Utval for næringsutvikling og drift 04.05.2022:

Behandling:

Det vart lagt fram følgjande meldingar/orienteringar i møtet:

- Baste Tveito-dagleg leiar Nordhordland næringslag orienterte om situasjonen i næringslivet knytt til straumprisar og drivstoffprisar.
- Kristin Nåmdal-tenesteleiar Plan og analyse orienterte om arbeidet med Interkommunal plan for sjøareal.
- Hogne Haugsdal-kommunalsjef Samfunnsutvikling orienterte om næringsvenleg forvaltning.
- Utvalsleiar Stian Lavik-KRF orienterte kort frå ulike besøk sidan forrige møte, t.d. møte med kontaktutvalet og bedriftsbesøk på Mongstad. Han informerte også om at Alver kommune vil vera representert under avslutningssamlinga i RIGHT-prosjektet i Brüssel.

Orientering om konseptet miljøfabrikk Kjevikkdalen vert utsett til eit møte seinare. Hogne Haugsdal-kommunalsjef Samfunnsutvikling gav ein kort status i saka.

Melding (notat) til ND - *Høyringssvar til planprogram for regional plan for fornybar energi* vart sendt utvalet på epost før møtet.

Utvalsleiar Stian Lavik-KRF sette fram følgjande framlegg:

Utval for næringsutvikling og drift takkar for gode orienteringar.

Utvalet ser med interesse på prosjektet for næringsvenleg forvaltning i Alver kommune, og ser fram til å følgja prosjektet vidare.

Utval for næringsutvikling og drift ser med uro på at høge prisar på straum og drivstoff no trugar fleire lokale verksemdar. Utvalet vil støtta arbeidet NONL gjer for å løfta denne saka saman med Næringsalliansen for Vestland.

Utvalet er glad for at arbeidet med interkommunal plan for sjøareal går etter planen. Utvalet vil oppmoda om at det i arbeidet blir synleggjort korleis dei nasjonale ambisjonane for vekst i havbruksnæringa ikkje opplevast å stå i samanheng med lokale og regionale begrensningar, og at ei løysing som viser kva som må til for å få til den ønska veksten vert lagt ved planen.

Framlegg frå S. Lavik-KRF vart samrøystes vedteke.

ND- 022/22 Vedtak:

Utval for næringsutvikling og drift takkar for gode orienteringar.

Utvalet ser med interesse på prosjektet for næringsvenleg forvaltning i Alver kommune, og ser fram til å følgja prosjektet vidare.

Utval for næringsutvikling og drift ser med uro på at høge prisar på straum og drivstoff no trugar fleire lokale verksemder. Utvalet vil støtta arbeidet NONL gjer for å løfta denne saka saman med Næringsalliansen for Vestland.

Utvalet er glad for at arbeidet med interkommunal plan for sjøareal går etter planen. Utvalet vil oppmoda om at det i arbeidet blir synleggjort korleis dei nasjonale ambisjonane for vekst i havbruksnæringa ikkje opplevast å stå i samanheng med lokale og regionale begrensningar, og at ei løysing som viser kva som må til for å få til den ønska veksten vert lagt ved planen.

Arkiv: <arkivID><jplID> FA-U01, FE-233
JournalpostID:
Sakshandsamar:
Dato: 25.05.2022

Saksframlegg

Saksnr.	Utval	Møtedato
025/22	Utval for næringsutvikling og drift	01.06.2022

Tildeling frå næringsfond 2022

Kommunedirektøren sitt framlegg til vedtak:

- Det blir lagt opp til ein søknadsrunde for næringsfondet i 2022 med frist 1. oktober
- Dei økonomiske rammene for søknadsrunden blir avklart i utval for næringsutvikling og drift sitt møte 7. september

Politisk handsaming

Saka skal avgjerast i utval for næringsutvikling og drift.

Kva saka gjeld

I denne saka skal utval for næringsutvikling og drift avklare kor mange søknadsrunder det skal vere for næringsfondet i 2022.

Bakgrunn

Saksopplysningar:

I følgje vedtektene til næringsfondet i Alver skal det vere to hovudtildelingar i året, med søknadsfrist 1. mai og 1. oktober. Føremålet med næringsfondet er å bidra til næringsutvikling, vekst og fleire arbeidsplassar i kommunen.

Siste tildeling frå næringsfondet blei gjennomført i november 2021. Det blei ikkje sett av nye midlar til næringsfondet i samband med økonomiplan 2022 – 2025.

Vurdering

På grunn av lite tilgjengelege midlar i næringsfondet, er det ikkje gjennomført ein søknadsrunde med frist 1. mai. Men det skal vere to hovudtildelingar per år, og utval for næringsutvikling og drift må vurdere om dette likevel skal gjennomførast i samsvar med vedtektene.

Per 25.05.22 er det ikkje endeleg avklart kor mykje «frie» midlar som er tilgjengeleg i fondet, dette vil kommunedirektøren leggje fram til utvalsmøtet 01.06.22. I tillegg vil det vere tilgjengelege midlar frå tidlegare tildelingar som ikkje er nytta. Dette er midlar frå prosjekt i tidlegare Lindås kommune og frå tildelingar i Alver etter 2020. Ei avklaring på slike unytta midlar vil vere eit større kartleggingsarbeid, og det vil ikkje vere realistisk å få fram tal på dette før i september 2022. Kommunedirektøren vil prioritere ressursar til å kartlegge kor mykje unytta midlar som evt. kan tildelast nye prosjekt.

Vedlegg i saka

25.05.2022 Alver næringsfond_vedtekter_26-nov-2020

1744771



ALVER
KOMMUNE

Fondsvedtekter

Næringsfond Alver kommune

Vedtatt i Alver kommunestyre 26.11.2020.

1. FØREMÅL

- Næringsfondet skal bidra til næringsutvikling, vekst og fleire arbeidsplassar i Alver kommune.

2. MÅLSETTING

- Stimulere prosjekter som gir vekst i eksisterande verksemder og arbeidsplassutvikling i Alver kommune.
- Stimulere til ei berekraftig næringsutvikling.
- Omstilling og nyskaping i næringslivet.
- Tiltak som styrker næringslivet i arbeidet med ny teknologi, innovasjon og entreprenørskap.
- Samarbeidstiltak innanfor etablert næringsliv.
- Stimulere til kompetanseutvikling i næringslivet.

3. KVEN KAN SØKJE

Næringsfondet kan nyttast til tiltak for verksemder og til næringstiltak i regi av kommunen eller andre typar næringsutviklingsorganisasjonar, og/eller der midlane i hovudsak får effekt i Alver kommune, til dømes:

- Føretak med forretningsadresse i Alver kommune
- Samarbeidstiltak med lokale føretak
- FOU-aktørar i samarbeid med lokale føretak
- Kommunale næringsutviklingsprosjekt
- Næringsutvikling i landbruket som ikkje får stønad frå landbrukets vanlege stønadsorgan.
- Verksemder som treng å ta eit nytt steg etter oppstartsfasen, eller etablerte verksemder som treng hjelp til å realisere eit nytt marknadspotensiale eller internasjonalt vekstpotensial vil vere prioritert.

4. KORLEIS SØKE

Tiltakshavar skal søke elektronisk via nettstaden www.regionalforvaltning.no.

5. SØKNADSRIST OG TILDELING

Kommunestyret har delegert mynde for tildeling av midlar til Utval for næringsutvikling og drift. Utvalet avgjer søknadene som kjem til kommunen. Det blir lagt opp til to hovudtildelingar i året, med søknadsfrist 1. mai og 1. oktober.

Det kan i særskilte høve tildelast midlar utanom hovudtildelingane. Søkjar må i så fall grunngje kvifor dette vil vera avgjerande, t.d. om ein vil mista utløysande midlar andre stader om ein må venta på hovudtildeling. Det kan maksimalt delast ut 15 % av næringsfondet sine midlar mellom dei ordinære søknadsfristane

6. VILKÅR

- 6.1. Stønad kan berre bli gitt i form av tilskot. Jamfør kommunelova § 51 kan næringsfondet ikkje setjast som garanti for lån til næringsverksemd. Stønad kan ikkje brukast til teikning av aksjar, sanering av gjeld, kausjon/garanti for - eller renter og avdrag på lån til prosjekt eller verksemd.
- 6.2. Det kan søkjast om støtte til investeringar i nytt utstyr og maskiner. Det blir ikkje gitt stønad til oppføring av bygg, og kjøp av eigedom og areal.

- 6.3. Stønad frå næringsfondet skal ikkje overstige 50 % av prosjektet sin samla finansieringsplan
- 6.4. Stønad skal nyttast til utviklingsprosjekt, ikkje til ordinær drifts- og vedlikehaldskostnad.
- 6.5. Fondet gir ikkje stønad til festivalar, kulturtiltak, kultur- og idrettsarrangement.
- 6.6. Stønad kan gjevast til føretak som er registrert i Brønnøysundregisteret.
- 6.7. Vesentlege endringar i prosjektplanen, endringar i prosjektet sitt budsjett eller finansieringsplan, skal godkjennast av utval for næringsutvikling og drift.
- 6.8. Føresetnaden for Alver kommune si løyving er at prosjektet vert finansiert slik godkjent finansieringsplan i omsøkte prosjekt viser. Alle tilskotsmottakarar må bekrefte at dei tar imot tildelt tilskot. Ved avkorting i i søknadssum, står tilskotsmottakar fritt til å justera sin finansieringsplan tilsvarande. Oppdatert finansieringsplan skal sendast inn.
- 6.9. Prosjektet må gjennomførast i samsvar med innsendt søknad. Om dette kravet ikkje vert oppfylt, kan tilskotet bli skjønsmessig avkorta.
- 6.10. Informasjon om prosjektet kan verte omtala på kommunen sin nettside og ein kan rekna med å bli beden om å presentera prosjektet for kommunen.
- 6.11. Profilering. I alle presentasjonar av-prosjektet, pliktar tilsegnsmottakar å informere tydeleg om at prosjektet er delfinansiert frå Alver kommune. Bruk av kommunen sin logo må avtalast.
- 6.12. Forholdet til andre verkemiddel: Tildelingar frå fondet må vere i samsvar med aktuelle krav og retningslinjer som td. retningslinjer for bruk av regionale utviklingsmidlar, regelverk for offentleg støtte mv.
- 6.13. Tilsegnsmottakar kan oppmode om delutbetaling, maksimalt inntil 75 % av løyvd beløp. Oppmodinga må innehalde statusrapportering og kostnadsrapport over akkumulerte kostnader. Resterande beløp vert utbetalt ved prosjektavslutning, sjå neste avsnitt.
- 6.14. Prosjektet si avslutning og sluttutbetaling.
Straks prosjektet er avslutta skal tilsegnsmottakar sende oppmoding om sluttutbetaling. I samband med oppmoding om sluttutbetaling skal det fyllast ut ein sluttrapport og kostnadsrapport og godkjennast av prosjekteigar.
- 6.15. Autorisert rekneskapsførar skal attestere sluttrekneskapen for tilsegn over kr. 100.000,-. Tilsegnsmottakar har ansvar for å kontrollere at utbetalt beløp er korrekt. Eventuelt for mykje utbetalt tilskot skal betalast attende snarast.
- 6.16. Kontroll.
Kommunen sin revisor har rett til å kontrollere at midlane vert forvalta i samsvar med vilkåra i tilsegna. Vi gjer merksam på at de pliktar å gje kommunen sin revisor dei opplysningane dei finn påkravd for sin kontroll. Vi gjer vidare merksam på at i medhald av §10 i løyvingreglementet og §12 i lov om Riksrevisjonen, kan Kommunal- og regionaldepartementet og Riksrevisjonen setje i verk kontroll med at midlane vert nytta som føresett.

Arkiv: <arkivID><jplD> FE-033
JournalpostID:
Sakshandsamar:
Dato: 24.05.2022

Saksframlegg

Saksnr.	Utval	Møtedato
026/22	Utval for næringsutvikling og drift	01.06.2022

Meldingar til utval for næringsutvikling og drift

Kommunedirektøren sitt framlegg til vedtak:

Meldingar vert tatt til orientering.

Politisk handsaming

Saka skal avgjerast i utval for næringsutvikling og drift.

Saksopplysningar:

Det vert lagt fram følgjande meldingar og orienteringar:

- Regional næringsstrategi – v/Baste Tveito-dagleg leiar Nordhordland næringslag/ Rune Heradstveit-dagleg leiar Region Nordhordland IKS

- Miljøpark Kjevikdalen

- Greenspot Mongstad -v/Einar Waage-prosjektleiar Greenspot Mongstad